



Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Pachomius Abb. 14. Maii.

urn:nbn:de:hbz:466:1-44055

quiesce. Nostri enim laudatum illud, ordinem labii constitueret, atque alia dicere, alia audire. S. Greg. Naz. S. Moder. in disp. servan.

S. PACHOMIUS ABB. 14. Maii.

Dabit Christianus adolescens vietas Stygi manus? cùm PACHOMIVS nondum Christianus dæmonibus fuerit formidini, ut præsente eo vocem mittere non sint ausi, obstupefacti in dolore ad nutum Numinis apertâ: cuius notitiam simul atque hausit, continuò carni bellum indixit, quam ut generosius sperneret, cælesti ambrosiâ, quâ Christo nomen dedit nocte, est pastus. Monasticæ Tyrocinio posito, jussus est divinitus cœtus cogere ex formulâ, quam exaratam ab Angelo accepit, erudiendos. Quos inter celeberrima Theodori est memoria, qui clarâ stirpe genitus, totâ in epulas effusâ domo, hâc cogitatione iectus est, mundi fabularum quâm tristis sit catastrophe, & cùm personatis gaudiis larva detrahitur, quâm non juverit ad tempus insanisse. Secutæ sunt lacrimæ, quas mater conata abstergere, ne fugâ quidem consilium filio eripere potuit. Quin adeo cùm diu perquisitum delitescere apud PACHOMIVM inaudisset, armata Episcoporum Epistolis irrupit in dicata sancto illius otio nemora, & ad suas admitti delicias propè cum convitio postulavit. PACHOMIVS, Theodoro copiâ facit salutandæ matris, quâ se ille usurum negavit, nî spopondisset PACHOMIVS, eum sibi congregatum olim fraudi non fore, quam in rem cautus senex fidē dare non sustinuit. Priusquam quieti se daret, fessa diurno labore membra sigillatim solabatur; quantillum enim supereffe jamjam in beatitatis rosa collocans?

14. Maii. VITÆ SANCTORVM. 245
dis? Quid ad hæc suaviludii nostri, qui nunquam
in Dei causâ se meminere fatigatos? Ex Metaphr.

Si eterna bona sub aspectum caderent, itemq; suppli-
cia veritatis agnitæ desertoribus parata, nullius alterius
rei desiderium teneret jam terrâ sublimiores, & præteri-
ti temporis acta recolentes cum lacrimis, donec Dei gra-
tia cœlesti nos sponso jungeret. Ex dictis S. Pachomii.

S. BONIFACIUS EP. 14. Maii.

PULCHRÈ BONIFACIVS omnes nominis sui nu-
meros implevit, puer jam multorum pater,
nunc sine prætextâ, nunc etiam sine interulâ ad
matris sinum redux, & verò jactabundus etiam,
quod tam exiguis panniculis totum CHRISTVM
potuisset tegere. Furtum tamen jam tum vel maxi-
mè damnavit, eoque vulpes, quæ subducere marri
gallinas amabat, ad precantis pedes redire coacta,
& rapta reddidit, & facinus morte sponte luit.
Jam domi sive messem sive vindemiam habere illi
cum libuit, licuit. Inde cum ditiores annonam fla-
gellarent, matris omne frumentum in pauperes
sparsit. Sed sementem hoc erat facere. Nam cum
mater irasceretur tam prodigo, ad ejus preces subi-
ta seges totum horreum complevit. Sub hæc cum
spem vindemiæ ditioris grando dejecisset, Anti-
stites jam Ferentinus pauxillum vini, quod legerat,
in omnes testas, ac dolia divisit, precando deinde
tantum non exundare fecit. Certè vasculum mero
plenum Gothi duo ex itinere accepisse se putave-
rant cœnæ fortè unius illecebram. Sed nimurum
cellam illi promptuariam circumferebant, non
minus etiam, cum viam relegissent, divitem. Fuit
cum bene egenis facturus ipse egeret, & duode-
cim aureos, nepotis peculium, prodigeret. Verum

L 3

cum